

Script of Evening Gojri News Bulletin 05April 2026 at 1700Hrs

ایوننگ گو جری نیوز بلیٹن مورخہ 05 اپریل 2026

یوہ آکاشوانی جموں بے باغ علی طاہر تے محمد سفیرتیں خبر سُنو پہلاں خاص خاص خبر۔

Headlines

*1- مرکزی سرکار نے اج واضع کیو ہے جے بھارت ایران سمیت 40 مُلکاں تیں کچو تیل درآمد کر رہیو ہے۔ سرکار نے عدم آدائیگی غی وجہ نال تیل حاصل کرن مانہہ کسے رُکاوٹ تیں انکار کیو ہے۔

*2- جموں کشمیر مانہہ پی ایم ای بس خدمات مانہہ بابدو کرتاں واں 2 سو مزید ای بس خدمات شروع کرن غو پروگرام ہے۔

*3- ایسٹر غو تہوار پوری دُنیا مانہہ اج بڑی عقیدت تے احترام سنگ مناہو جا رہیو ہے۔

*4- بوپی غی طرفوں تدریسی سال 27/2026 واسطے دسویں جماعت غی بنیادور نیم طبی کورس واسطے ڈپلومہ غی خاطر کامن انٹرنس ٹیسٹ لیا گیا ہیں۔

*5- تے جموں کشمیر مانہہ آئندہ 10 اپریل توڑی موسم خراب رہن غی پیشنگوئی کرتاں واں محکمہ موسمیات نے بارشاں ، برفباری تے آندھی طوفان غو آندیشو ظاہر کیو ہے۔

خبران غی تفصیل نال پہلاں باغ علی طاہر۔

Puri Cude Oil

پیٹرولیم تے قدرتی گیس غا وزیر ہر دیپ سنگھ پوری نے کہیو ہے جے بھارت کچو تیل 40 تیں زیادہ مُلکاں تیں حاصل کرے۔ جن مانہہ ایران وی شامل ہے تے ایرانی خام تیل غا حصول مانہہ آدائیگی غو کوئی مسئلو نہیں ہے۔ سماجی میڈیا غی اک پوسٹ ور جناب پوری نے اُن اطلاعات تے سماجی میڈیا غا دعواں نانہہ رد کیو ہے جن مانہہ کہیو گیو تھو جے ایرانی تیل غی اک کھیپ نانہہ آدائیگی غا معاملہ نانہہ لے غے ویڈی نار بھارت تیں چین در موڑ دتو گیو ہے۔ اُنہاں نے اِن اطلاعات غی صداقت تیں انکار کیو ہے۔ وزیر موصوف غو کہنو تھو جے مغربی ایشیا مانہہ سپلائی مانہہ پیدہ شدہ رُکاوٹ غے باوجو دتیل صاف کرن آلابھارتی کارخانہ داراں غی طرفوں ایران سمیت بکھ بکھ ذریعہاں تیں کچو تیل کامیابی سنگ حاصل کیو گیو ہے۔

Electric Buses

وزیر اعظم وی بس خدمت سکیم غے تحت جموں کشمیر مانہہ 200 مزید ای بس خدمات شروع کی جا رہی ہیں۔ یہ سمارٹ ای بس خدمات جموں تے سرینگر شہراں مانہہ مزید 100 بساں گا چلایا جان سنگ شروع کی جا رہی ہیں۔ جس نال ٹاٹا موٹر بساں مانہہ جدید سہولتاں سنگ 3 ارب روپیاں غی لاگت نال حاصل کیو گیو ہے۔ ان بساں مانہہ خطرہ بٹن تے دوجی حفاظتی بندوبست مسافراں مانہہ دستیاب کرایا گیا ہیں۔ سماجی میڈیا غی اک پوسٹ مانہہ وزیر ٹرانسپورٹ سٹیش شرما نے اس خاطر وزیر اعظم نریندرمو دی، وزیر داخلہ امت شاہ تے وزیر اعلیٰ عمر عبداللہ غو ان بساں مانہہ جموں کشمیر واسطے حاصل کیا جان غی خاطر کی گئی آنتھک کوششاں ور شکریو ادا کیو ہے۔ اس بارے گل کرتاں واں وزیر ٹرانسپورٹ سٹیش شرما نے کہیو۔ بائٹ۔۔۔

Easter

ایسٹر غو تہوار پوری دُنیا مانہہ اج بڑی عقیدت سنگ منایو جا رہیو ہے۔ گڈ فرائی ڈے غے روز کلیوری غا مقام ور حضرت عیسیٰ نانہہ صلیب ور چاڑھیا جان غے بعد ان غا فر تیں جی اٹھن غی یاد مانہہ یوہ دن منایو جائے۔ یوہ تہوار متبرک ہفتہ مانہہ اُمید تجدید تے عقیدت غی انتہا غو مظہر ہے، جہیڑو حضرت عیسیٰ غی آخری زندگی غا دناں مانہہ ان غی عبادت، صبر تے استقلال نانہہ وی ظاہر کرے۔ صدر جمہوریہ درویدی مرمو، نائب صدر سی پی رادھا کرشنن تے وزیر اعظم نریندرمو دی نے اس موقع ور قوم نانہہ دلی مبارکباد پیش کی ہے۔

Easter-Udh

عیسائی مذہب غا پیروکار آج ایسٹر غو تہوار بڑی عقیدت سنگ منا رہیا ہیں تے اس موقع ور مذہبی جلوس وی کڈھیا گیا۔ اُدھم پور مانہہ اس سلسلہ مانہہ بڑو جلوس یونین چرچ تیں شروع ہوئو، جہیڑو ایم ایچ چوک، ٹائون حال علاقہ دبڑ چوک، گول ما رکیت تیں گزرتاں واں فر یونین چرچ مانہہ آغے اختتام پزیر ہوگیو۔ بعد مانہہ یونین چرچ مانہہ بشپ ڈاکٹر سنتوش تھامس نے حضرت عیسیٰ علیہ سلام غی تعلیمات ور اک تقریر کی۔ اس موقع ور بولتاں واں بشپ غو کہنو تھو جے پیار تے پہائی چارہ غو پیغام دیتاں واں ہم نانہہ مُلک نانہہ مضبوط بنان غی لوڑ ہے۔ اس بارے مزید گل کرتاں واں بشپ ڈاکٹر سنتوش تھامس نے کہیو۔ بائٹ۔۔۔

Prog Announcement

ریجنل نیوز یونٹ آکاشوانی جموں آئندہ منگلار 7 اپریل دوپہر 12 بجے 25 منٹاں ور مینی اک خصوصی پروگرام نشر کرے گو۔ یوہ پروگرام عالمی یوم صحت سال 2026 غی مناسبت سنگ نشر کیو جائے گو۔ اس خصوصی نشریات غو عنوان "صحت غی خاطر اک ساٹھ۔ سائینس سنگ کھلاں ہونو" رکھیو گیو ہے۔ اس خصوصی پروگرام مانہہ مہاری مہمان ویں گی ماہر غذائیت ڈاکٹر مِتھالی گپتا جہیڑی اس عنوان بارے اپنی ماہرانہ رائے سامعین سنگ سانجی کریں گی۔ پروگرام غی میزبانی غا فرائض مہارا اینکر جگموہن شرما انجام دیں گا۔

مزید خبراں نال محمد سفیر ور اس تیں پہلاں یوہ سنیو۔

CET Paramedic Courses

جموں کشمیر بورڈ برائے پیشہ وارانہ داخلہ امتحانات نے اج تعلیمی سال 27/2026 واسطے دسویں جماعت غا بنیا دی ڈپلومہ پیرا میڈیکل کورس واسطے عام داخلہ ٹیسٹ یعنی سی ای ٹی غو انعقاد کیو۔ یوہ امتحان جموں کشمیر تے لداخ غا جموں ، ڈوڈہ، راجو ری ، سرینگر ، بارہمولہ اننتناگ تے لہیہ غا امتحانی مرکزوں ور منعقد کیو گیو ، جس مانہہ کُل 1 ہزار 5 سو 91 امیدواروں وچوں 1 ہزار 2 سو 16 امیدواروں نے حصولیو۔ قابلِ ذکر بے جے جے کے بوپی نے اج دوجی واری بارہمولہ، اننتناگ، ڈوڈہ ، راجو ری تے لہیہ مرکزوں ور اس امتحان غو انعقاد کیو۔

Jammu Railway Division

شمالی ریلوے غو نووں بنایو گیو جموں ڈویژن ہن مکمل طور ور کم کرن آلو یونٹ بن گیو ہے۔ اس سلسلہ مانہہ جانکاری دیتاں واری ریلوے منیجر وویک کمار نے کہیو جے مسافراں واسطے سہولیات تے دیگر بنیا دی ڈھانچہ نانہہ ترجیح دتی گئی ہے۔ اور جموں کشمیر مانہہ ریل رابطہ بدھایا گیا ہیں اور خصوصاً وندے بھارت ریل گڈی چلان سنگ خطہ مانہہ سیاحت تے آمدورفت نانہہ وی فروغ لبوے۔

Poonch Fort Restoration

تاریخی ورثہ غا بچائو بارے قدم چا غے سرکار نے تاریخی قلع پونچھ غی مرمت غو کم شروع کیو ہے۔ یاد رہے جے قلع غی یاہ تاریخی عمارت گذشتہ زلزلوں وغیرہ تین کافی متاثر ہوئی تھی۔ اس مرمتی کم غی شروعات مانہہ 3 کروڑ 90 لکھ روپیہ غی لاگت آوے گی، جس سنگ قلع غو سامنے آلو حصو تیار کیو جائے گو۔ اس کم کاج غی نگرانی جموں کشمیر محکمہ آثار قدیمہ کرے گو۔ سرکار غا اس قدم ور پونچھ غا رہا نشی عوام نے خوشی غو اظہار کیو ہے۔ اس بارے مزید بولتاں واری اسسٹنٹ انجینئر پی ڈبلیو ڈی انترکش نے اس طرح کہیو۔۔ بانٹ۔۔۔

Weather

محکمہ موسمیات نے پیشنگوئی کی ہے جے جموں کشمیر مانہہ آئندہ 10 اپریل تک موسم خراب رہے گو، اس سلسلہ مانہہ دسیو گیو ہے جے گرج چمک غے نال نال آندھی بارش تے برفباری ہون غا وی امکان ہیں اور بالائی علاقوں مانہہ درمیانہ تین پہاری درجہ غی بارش تے برفباری وی ہو سکے۔ ان بارشاں غے پیش نظر کسانوں تے عوام نانہہ احتیاطی تدابیر اپنان تے موسمی ہدایات تین باخبر رہن غو مشورہ دتو جائے۔ مزید اس بارے پیش ہے ماہر موسمیات غی یاہ تفصیل۔۔۔ بانٹ۔۔۔

LA Speaker

بھارتیہ دلت سابیٹیہ اکیڈمی غو ایک وفد اج اکیڈمی غا صدر تے سابق سیکریٹری بی آر گنڈل غی قیادت مانہہ قانون ساز اسمبلی غا سپیکر عبدالرحیم راتھ سنگ اسمبلی سیکریٹریٹ جموں مانہہ ملاقی ہوئو۔ اس ملاقات غے دوران جناب گنڈل نے مہاراشٹرا سرکار غا محکمہ تعلیم غی طرفوں شائع کی گئیں بی آر امبیڈکر غی تاریخ ور مبنی " ہسٹری آف ڈاکٹر بی آر امبیڈکر " غا عنوان سنگ لکھی گئی تکاب غی 22 جلد اسمبلی لائبریری واسطے پیش کیں۔ اس قدم غی سراہنا کرتاں واری قانون ساز اسمبلی غا سپیکر نے کہیو جے بی آر امبیڈکر بھارتی آئین غا معمار اعلیٰ ہون غے نال نال ایک زبردست ماہر قانون تے

دبیا کچلیا طبقاں غا بے مثال حمایتی رہیا ہیں۔ اُن غو کہنو تھو جے ڈاکٹر امبیڈکر غی
زندگی ، تعصب غی فوقیت غی مُظہر ہے۔

اس غے نال ہی خیراں غو یوہ بلیٹن ختم ہوؤ۔